

四庫全書

史部

欽定四庫全書

赤城志卷三十三

宋 陳耆卿 撰

人物門二

本朝

本朝文獻尚矣厥初洗五季之陋天下以儒奮其嘯呵
疏濬火始然而泉始達也故吾州雖號落遠而文教無
不之焉蓋自咸平初始有科目是時儒先長者屬荒燧
闇以為多士之倡流風所暨莫不根柢行義枝葉藝能

在朝則致君在州縣則阜俗如尤守哀所祠三老蓋魁傑也接于南渡文物益振故其圭袞之煒燿筆索之層複為宰輔者四人為法從者幾十人其次不為宰輔法從而為卿監郎曹不為卿監郎曹而為部使者郡守又不知其幾人矣官有大小績用隨之固古今天下之所共然有以下僚末綴而風蹟不減達宦者有窮不得位而文行超於科級者又未易以區區之名位為限斷也茲卷論之邦侯猷之郡文學祖長樂志及黃守留往年

凡例凡擢第姓氏咸備列焉故其重年甲者重始進也
著父子同產若羣從者尊世科也著所歷官簿及其所
至者備終始也著身所至而又及其子孫所至者崇繼
襲也攷他邦之志若特科若右科若宗室或著或不著
今並著貴不遺也乃若其事業則已見國史其文墨議
論見家集其發揮幽潛見碑碣誌狀今不復贅若夫名
不登仕版而有異行懼將湮沒則採次書之至有不生
長是邦而居焉者渡江後為尤盛且多名人故亦標其

姓氏爵里云

仕進

進士科

咸平三年陳堯咨榜

杜垂象

黃岩人字闕叔父終尚書職方郎中括蒼志則云都官

按杜氏家譜為祁公衍從

郎中知處州或者先為都官而後為職方也垂象生建中建中生七子長曰誼建中性微厲誼善事之以孝聞居喪晝夜號慟勺水不入者累日負土為隴徒步行雨雪中每靴裂流血則以漆塗之如是者三年葬後廬墓左日一飯不葷明年大水發澤所在山皆漲溢

誼所居獨免人以為孝子之報郡上其事下
詔賜粟帛蘇舜欽作孝子傳以美之後歷衛
尉大理寺丞通判梓州太子右贊善大夫令
誥勅落同姓尚可攷也余故特揭於人物之
首以勸
孝云

大中祥符二年梁固榜

姚拱 闕人字
終都官員外郎

天禧三年王整榜

胡仲元 闕人字
終著作佐郎

天聖二年宋郊榜

王琥

臨海人字闕
終都官郎中

王珏

臨海人字闕
珏之弟終
屯田郎中事見坊市門

慶歷六年楊寘榜

楊蟠

臨海人字公濟歷通判杭州終知壽州按國
史章安人章安今臨海蟠文號章安集必不
誤而登科記乃稱杭人臨川集有金華縣君
吳氏志又云蟠父徽始去麗水為錢塘人夫
既為錢塘人必不應又為杭倅或者本籍
麗水後徙錢塘或又自錢塘徙章安也

皇祐五年鄭獬榜

方瑗

臨海人字闕
終安仁
縣令方為世儒自此始

嘉祐六年王俊民榜

周弁

寧海人字君儀終宣教郎知青陽縣後贈少師見寧川志云

姚震

臨海人字闕

八年許將榜

張希房

臨海人字闕終金壇縣主簿

治平三年彭汝礪榜

陳貽序

臨海人字叔倫為蘇文忠執曾舍人輩所知終奉議郎湖南運判子克刪定官有天下

台集行于世李察院庚為之序

羅適

寧海人字正之歷五縣提點府界兩浙京西刑獄終朝散大夫州言前輩大雅以適為稱

首有易說赤城集行于世事見鄒諫議浩送董尊逸序秦觀生祠記及州學三先生記

四年許安世榜

方洵武

臨海人字關瑗之子終朝奉大夫知南安軍

陳貽範

臨海人字伯模貽序之兄為陳密學襄胡安定瑗高弟與羅提刑適友歷宗正丞終

朝奉郎通判處州有慶善集行于世子師純師聖中八行

熙寧六年余中榜

方洵直

臨海人字關之弟終知關

洵武縣

張希甫

臨海人字闕
之弟終樂清縣尉
希房

王礎

闕

人字闕

元豐五年黃裳榜

朱玠

臨海人字寶仁終棣州防禦判官贈正議大夫事見陳侍郎公輔所為銘有朱氏易行于世

王尹

臨海人字少伊終宣教郎知松陽縣

八年焦蹈榜

蕭令脩

臨海人字闕
終知貴溪縣

元祐三年李常寧榜

周煒

寧海人字光庭弁之子歷知
徽溫二州興化軍終中大夫

周炳

寧海人字光佐煒之兄終知
瓊州兼瓊管司安撫都監

牟金

臨海人字闕
終陽穀縣主簿

六年馬涓榜

方昌武

臨海人字闕
號三方終朝散大夫北京司業

元符三年李奎榜

吳經

臨海人字闕
奉議郎知武進縣終

大觀三年賈安宅榜

朱景行

臨海人字闕終
勅令所刪修官

左譽

臨海人字與言終湖州通判
事見陳侍郎公輔所為銘

政和二年莫儔榜

朱緯

臨海人字樞言玠之子歷國子博士宗子正
辟雍博士工部司封郎官温州鹽事湖南運

判提舉浙西茶鹽知嚴州提點浙西刑獄改
漕事知信州終朝議大夫知嚴州事見朱少

卿斐所
為行狀

五年何桌榜

蔣旦

仙居人字澹然先是邑人未知教自旦以力學中第始爭自奮歷通判越州終承議郎監

石炭場鄉人推其清節祠之學宮有適齋集藏于家

應灌

仙居人字仲宣與蔣旦同為邑倡自是其家世以儒顯接踵登科級至今未衰終衡州教

授

王衍

臨海人字和仲終監廣陳鹽倉

八年嘉王榜

謝升俊

臨海人字成彥終朝請大夫知徐州子廊然見淳熙四年科名卓然知南雄州

左知微

臨海人字闕終宣州教授

宣和三年何渙榜

潘大年

臨海人字祖道終從政郎監南嶽廟

范醇

仙居人字希孟歷大理寺丞湖南安撫司參議官知南安軍終左朝請大夫

六年沈晦榜

朱伯臨

臨海人字彥與景行之猶子終朝請郎通判池州事見朱少卿斐所為行狀

李衍

寧海人字和叔終常山縣令

建炎二年李易榜

杜穎

臨海人字君美垂象之曾孫終明州司理叅軍

方可

臨海人字從志洵武之子終勅令所刪修官

朱斐

臨海人字知裁年十二預鄉薦歷大理丞提點廣西刑獄大理正刑部郎中大理少卿奉

祠再除大理少卿未行卒初尤守哀祠三老欲以公預議不成而止有燕石集藏于家

吳謙

仙居人字多益歷知嚴處二州終朝奉大夫

紹興二年張九成榜

吳芾

仙居人字明可謙之從弟歷刪定官正字通判處婺二州紹興府知處州監察御史殿中

侍御史戶部侍郎知婺州紹興府刑部侍郎給事中改吏部侍郎知臨安府復除吏侍遷禮侍知太平州紹興府後以龍圖閣直學士致仕自號湖山居士年八十卒謚康肅事見

國史及朱文公所為神道碑有文集奏議行
于世子津見乾道五年科名洪奉直大夫江
西提舉沃朝
請郎知筠州

林蘊
臨海人字粹道
終善化縣主簿

李晞甫
臨海人字闕
終臨江軍教授

五年汪應辰榜

陳良翰
臨海人字邦彥歷監察御史右正言左司
諫知建寧府福建轉運副使提點江東浙

西刑獄宗正少卿權兵部侍郎右諫議大夫
給事中除禮部侍郎不拜以敷文閣待制提
舉興國宮召除太子詹事後除敷文閣直學
士奉前祠卒贈太中大夫謚獻肅舊與侍郎

公輔通譜系其風節實相繼事見國史及三先生記朱文公熹所為行狀周丞相必大所為銘子耆壽直寶謨閣兩浙運判彭壽福建提點刑獄廣壽見乾道八年科名

陳燿

臨海人字世明良翰之猶子終武昌軍掌書記

陳夷行

臨海人字清臣公輔之子終監南嶽廟

吳詠

仙居人字永言芾之從兄終宣教郎知西安縣有西安詩集藏于家

八年黃公度榜

陳仲德

臨海人字闕

錢豐

天台人字彥和終温州教授

十二年陳誠之榜

鹿汝弼

臨海人字國器終闕部架閣

劉知變

天台人字與權終池州教授

鹿汝明

臨海人字國強汝弼之弟終金溪縣尉

十五年劉章榜

何純佑

臨海人字粹中終承議郎通判靖州

顧士則

臨海人字孝仲闕

李庚

臨海人字子長歷御史臺主簿監察御史兵部郎中繼奉祠提舉江東常平知南劍撫二

州後知袁州未上卒有集號
吟癡符樓參政鑰為之序

石塾

臨海人字子重祖公孺辟庚子之亂自會稽
徙此後以詔居遠逸補廸功郎整徙朱文公
遊自是里人知有洛學歷將作監太常寺主
簿終朝散郎知南康軍事見文公所為銘

十八年王佐榜

王滋

黃巖人字闕
終鄱陽縣尉

陳舉善

臨海人字能之歷御史臺主簿監察御史
殿中侍御史知衛常二州提舉浙東常平

提點浙西刑獄左司郎中太常少卿終秘閣
修撰事見左尚書表所為銘子鑄見乾道八

年科名姪
鍾知施州

二十一年趙達榜

陳嘉善

臨海人字容之舉善之弟終知江陰軍

彭龜年

黃巖人字元老嘗中教官與弟椿年號二彭歷常德府僉判終朝請郎子藻今知臨

江軍

徐大受

臨海人字元章終四川制置司幹官

陳庸

仙居人字時中歷御史臺主簿知常州兵部郎中太府少卿中書門下檢正諸房公事知

撫州終提點江西刑獄事見彭殿撰椿年所為行狀子禪終知雷州章見淳熙八年科名

應頤

臨海人字頤正時州薦名纔八頤與弟良猶子士龍同貢鄉人榮之

二十四年張孝祥榜

左璠

黃巖人字仲琰與弟璵璠璠號三左終勅令所刪定官

葉昌嗣

臨海人字景厚終兩浙路轉運司幹官

吳浚

仙居人字達中謙之子終南外睦宗院教授

陳騏

臨海人字叔進省試第一歷祕書郎工部郎官將作監祕書少監權中書舍人兼太子諭

德祕書少監祕書監中書舍人奉祠知寧國

府袁州召除吏部侍郎禮部尚書同知樞密

院參知政事知樞密院以資政殿大學士知

婺州俄提舉洞霄宮進觀文殿學士薨贈少

保事見國史及蔡尚書幼學所為行狀

有文集行于世水心葉侍郎適為之序

劉敦

臨海人字處厚歷知道州終朝奉郎主管沖佑觀

二十七年王十朋榜

王道

臨海人字夷仲衍之弟甲科第四人歷太學博士祕書省正字校書郎終奉議郎主管玉隆觀事見水心集侍郎適所為銘

應士龍

臨海人字長文終宣教郎

賈偉

天台人字之奇歷祕書郎終知漢州子涉字濟川歷寶謨閣直學士淮東制置安撫使知

楚州兼京東河北節制使淮西制置使以顯謨閣學士致仕贈龍圖閣學士光祿大夫

彭椿年

黃巖人字大老龜年之弟歷國子監主簿編修官提舉福建市舶知處州太常丞吏

部郎中國子司業江東轉運副使終右文殿
修撰事見商侍郎飛卿所為行狀有雜稿藏

于家

丘大猷

臨海人字子訥終
監嚴州比較務

左璵

黃巖人字文琰璠之弟
為賀正書狀官死于寇

鮑祖文

黃巖人字獻夫與弟祖武號
二鮑終朝請郎通判興化軍

三十年梁克家榜

王齊輿

寧海人字之孟歷刑定官將作司農丞知
鄂州提點東川刑獄倉部郎中樞密院檢

詳軍器監大理宗正少
卿終直煥章閣致仕

鹿何

臨海人字伯可歷監登聞鼓院通判吉州知饒州諸王宮教授屯田金部郎官年五十二

乞致仕進朝奉郎直祕閣官一子以華其歸時號見一先生子昌運知連州

應揚

臨海人字唐卿終奉議郎知義烏縣

鄭寅

臨海人字正叔終從事郎知豐城縣

王若

仙居人字若夫歷知歸道二州終朝奉大夫淮東安撫司參議官

李由

仙居人字民載終奉議郎知玉山縣

隆興元年未待問榜

王章

寧海人字之韓齊輿之弟終從政郎湖南轉運司幹官

宋之瑞

天台人字伯嘉歷宗正祕書丞吏部司封郎官都大提點坑冶吏部郎官樞密院檢

詳文字大理少卿提舉福建常平陞提點刑

獄祕書少監中書舍人知寧國府華文徽猷

閣待制知江陵府龍圖閣待制寶謨閣直學

士今以光榮大夫致仕次子濟今知湖州

林處厚

臨海人字淳甫蘊之猶子終奉議郎

謝脩

臨海人字子長歷太常寺主簿祕書郎終太宗正丞兼戶部郎官

應振

仙居人字伯起權之子終儒林郎知昌國縣

李遂夫

仙居人字良夫由之子終宣教郎知長溪縣

吳俟

黃巖人字舜鄰終永豐縣主簿

丁可

天台人字無可終監行在惠民北局有文集藏于家

陳澤

仙居人字澤民終宣教郎

王師尹

寧海人字民瞻終關州司理參軍

乾道二年蕭國梁榜

盧芷

寧海人字良臣終通直郎

周洎

寧海人字子及光闕之孫歷大學正軍器監主簿將召試卒事見水心葉侍郎適所為銘有

文集奏議

藏于家

王及

寧海人字達之歷太學國子博士國子丞終朝奉大夫知信州

謝深甫

臨海人字子肅歷大理丞提舉江東常平
左曹郎官借禮部侍郎為金國生辰使歸

歷右正言起居郎權給事中知臨安府權工
部侍郎兼權吏部侍郎兼給事中御史中丞
端明殿學士僉書樞密院事知樞密院兼參
知政事進右丞相丐歸拜觀文殿大學士醴
泉觀使以少傅致仕贈太師先是州人固有
位執政者為宰輔自深甫始事見國史及張
即中布所
為行狀

謝侔

臨海人字子周修之弟歷
軍器監主簿終知建昌軍

錢伋

臨海人字彥思終
隆興府司理參軍

徐似道

黃巖人字淵子歷官告院知郢州太常丞
禮部司封郎官起居舍人權直學士院遷

祕書少監終朝散大夫提點江西
刑獄自號竹隱有文集藏于家

應策

仙居人字衍仲權
之猶子終宣教郎

五年鄭僑榜

吳津

仙居人字仲登芾之子歷通判紹興府知南
康軍改興化未上卒事見棲參政鑰所為銘

長子機朝請大夫
淮南轉運判官

蔣鶚

臨海人字攷叔師顏之姪孫終從事郎知
象山縣有內錄及蒙齋門人錄藏于家

王卿月

臨海人字清叔歷宗正寺主簿太府寺丞
祕書郎起居舍人起居郎權中書舍人兼

直學士院知廬州湖南運副使知靜江襄陽
府瀘州宗正少卿兼檢正中書門下諸房公

事假吏部尚書為金國生辰使未行除太府卿卒終朝請大夫事見棲參政鑰所為銘

吳驤

仙居人字仲魯詠之子終定海縣主簿

沈遷

臨海人字克升終上虞縣主簿

八年黃定榜

張布

臨海人字伯粵以南省第四人登甲科所居儒學科名之盛蓋自布始歷太學錄博士樞

密院編修官宗正丞權金部侍右郎官遷秘書丞知徽州不赴奉祠終朝奉大夫有六經

講解藏于家

謝敷經

臨海人字子暢薦狀垂及格不就終從事郎監南嶽廟

周忠厚

天台人字仁仲終監行在打套局門

陳廣壽

臨海人字成卿良翰之子歷大理太常丞兼倉部郎中知饒州宗正丞軍器少監都

大提點坑冶刑部郎中知撫州寧國府金部郎中司農少卿兼知臨安府太府卿兵刑部

侍郎今以通奉大夫

提舉桃源萬壽宮

林鴈

黃巖人字伯和終承議郎通判筠州事見水心葉侍郎適所為銘

陳鑄

臨海人字伯治舉善之子歷大理寺主簿司農寺丞知汀州提舉福建路常平工部郎中

終朝散郎主

管沖祐觀

黃震

臨海人字子聞終知瑞安縣

王鐸

臨海人字子木
終監行在藥局

淳熙二年詹駉榜

商飛卿

臨海人字翬仲以省試第三人登甲科歷
太府寺主簿編修官秘書丞著作郎右曹
郎官知無為軍工部郎官監察御史太常少
卿司農卿總領淮西就遷戶部侍郎卒事見

國史

黃宜

天台人字達之歷國子監主簿大理寺丞知
處州侍右郎官將作監大理少卿國子司業
秘書少監中書舍人工部侍郎今
以敷文閣待制提舉上清太平宮

劉允迪

黃巖人字進之
終桐城縣丞

朱雷復

臨海人字伯禮終福建提刑司檢法官

五年姚穎榜

劉允濟

黃巖人字全之與兄允迪弟允武號三劉歷太常寺主簿國子監丞知南劍州提舉

福建常平知温州今以中奉大夫提舉崇禧觀

蔣文會

仙居人字仲友旦姪孫後中教官歷監左藏西庫提轄雜買務雜賣場終主管崇道

觀

林昇

臨海人字子勝終真州錄事參軍

姚迴

臨海人字及之終承議郎通判臨安府

郭晞宗

仙居人字宗之歷通判處州知道州提舉福建路市泊除瓊管安撫未行卒事見何

參政澹

所為銘

胡枯

仙居人字釋之終石城縣丞

八年黃由榜

商許

臨海人字應仲飛卿之兄歷國子監主簿大宗正丞宗正丞侍右郎官提舉湖南常平終

朝散郎度支郎官

楊能

臨海人字千之終湖州教授

商逸卿

臨海人字義仲許飛卿之弟歷國子監主簿大理寺丞知嘉興府除刑部郎中終朝

請郎主管

沖祐觀

陳章

仙居人字子雲庸之子歷提轄行在雜買務雜賣場通判温州府今以朝請郎知建昌軍

王恕

寧海人字之荀齊興之弟章之兄終宣教郎

十一年衛涇榜

楊定

臨海人字應之與從兄朴弟能入太學號三楊終通直郎

謝直

黃巖人字古民歷太社令大理司直今以奉議郎通判嘉興府

林良

黃巖人字良叔歷軍器監主簿太府寺丞兼金部郎官知嘉興府大宗正丞兼尚右郎官

終朝奉郎主管沖祐觀事見王侍郎居安所為行狀

十四年王容榜

王居安

黃巖人字簡卿以省試第二人為甲科第
三人歷司農寺丞知興化軍祕書丞著作

佐郎兼考功郎官左司諫兼侍講起居郎崇
正殿說書知太平州浙西提點刑獄權工部
侍郎集英殿修撰知隆興府以捕李元礪兼
領吉州尋奉祠除工部侍郎今以寶謨閣待
制知溫州

陳祖尹

臨海人字伯任
終知宣城縣

應武

臨海人字緯之揚之猶子歷闕
舉浙西常平宗正丞尚右刑部郎官假吏部提

尚書充金國賀正使金部郎中右正言殿中
侍御史右諫議大夫卒贈正議大夫事見國

史

李閔

臨海人字伯皋
終知永福縣

樓觀

臨海人字子顯與兄覺號二樓歷太學正武學太學國子太常四博士知袁州提舉江西

湖南常平宗正祕書丞考功郎軍器監大理少卿今以朝散大夫差知處州

陳芝

臨海人字宗瑞
終武安軍僉判

虞萬

寧海人字宗道終宣教郎國子錄事見錢宗卿文子所為銘

林三英

臨海人字穎叔終吉州教授事見門人商侍郎飛卿所為行狀

周世厚

天台人字關

陳籀

臨海人字滋叔
終江州教授

紹熙元年余復榜

章揖

臨海人字濟叔
終新城縣丞

闕嶧

臨海人字仲山終江東
安撫司機宜文字

王澡

寧海人字身甫歷監進奏院國子太
常博士今以朝散郎通判平江府

陳全

臨海人字子卿芝
之子終新城縣尉

楊景思

寧海人字成已

四年陳亮榜

張次賢

仙居人字子齊歷通判衢州臨安府監察御史右正言兼侍講終左司諫贈中奉大

夫

慶元二年鄒應龍榜

陳鳳

臨海人字儀父終通判池州

陳奇之

臨海人字養晦良翰之孫廣壽之猶子

宋元老

天台人字時叔終處州教授

宋泳

天台人字仲游

陳煥

臨海人字伯益終瑞安縣尉

徐質夫

天台人字季藻

五年曾從龍榜

周仲卿

寧海人字次和
終提轄左藏庫

王斐

臨海人字仲溫道之子歷太常寺主簿將作
監丞知衢州提舉浙西常平金部郎中國子

司業起居舍人秘閣修撰
赴今以右文殿修撰主管沖祐觀

王華仲

天台人字實之終
衢州司戶參軍

陳肖允

寧海人字履道
終武昌縣尉

楊似雲

黃巖人字伯
雄終通直郎

林申 臨海人字伯翰

夏廷簡 黃巖人字迪卿終宣教郎

嘉泰二年傳行簡榜

謝棐伯 臨海人字元常深甫之子終通判漳州

徐衡 黃巖人字鈞父

謝采伯 臨海人字元若棐伯之兄歷知廣德軍湖州監六部門大理寺丞今為大理正

張榮 臨海人字獻之

郭明卿 仙居人希宗之猶子終宣教郎湖廣總領所幹官

盧子章

臨海人字元平歷太府寺主簿樞密院編修官兼皇子國公府教授遷宗正丞兼侍

右郎官

謝少連

臨海人字惠伯

方猷

寧海人字元老歷國子監主簿樞密院編修官右司郎官監察御史右正言兼侍郎令為

宗正少卿兼勅令所刪修官

梅昭

臨海人字仲潛

陳艾

臨海人字耆叔

丘牧

黃巖人字子謙終淮西制置司幹官

開禧元年毛自知榜

求淳

天台人字粹翁甲科第三
人終武安軍節度推官

梅廷瑞

仙居人字祥伯

陳鎔

臨海人字伯聲
終蘄州教授

應行之

寧海人字平父
終蒲圻縣丞

楊璘

寧海人字德翁歷太學錄
國子博士今通判嘉興府

嘉定元年鄭自誠榜

劉決

寧海人字和叔

闕

闕

闕

杜範

黃巖人字儀之粹德清節終始金石除殿中侍御史論執政不行憤激至車不避道柄臣

執止之尋以右揆召朝野文慶忘身殉國纔一月史嵩之鴆之謚清獻

楊嗣參

臨海人字唯叔終朝散大夫知南雄州

吳煥

仙居人字堯卿

徐叔用

天台人字行甫

朱淮

臨海人字叔明
終監南嶽廟

于有成

寧海人字君錫

四年趙建大榜

周成子

臨海縣人字純仁洎之子

林仍

仙居人字伯淵

胡余潛

臨海人字叔昭

丁木

黃巖人字子植

陳作新

仙居人字基叔
終和州教授

張萃 寧海人字叔器

七年袁甫榜

郭磊卿 仙居人字子奇希宗之子

陳趙卿 天台人字伯鼎

董亨復 臨海人字子順

洪汝弼 天台人字季輔

胡旦 黃巖人字子周

周楫 臨海人字清甫洎之猶子
終紹興府曹娥管押袋鹽

李衛

仙居人字子文

陳耆卿

臨海人字壽老

十年吳潛榜

張定

天台人字平甫

黃石

黃巖人字曼卿
終邑州教授

倪月卿

臨海人字子升

葉應輔

黃巖人字子儀

王淪

寧海人字宗之

應簡

臨海人字子文揚之孫

趙炎

黃巖人字作夫

楊渭起

寧海人字少望

張紀

寧海人字子綱

楊恭

寧海人字行已

楊元勣

臨海人字聖偉定之子

十三年劉渭榜

洪月卿

天台人字子公
終靖州教授

葉秀發

仙居人字叔英

江朝宗

臨海人字平仲

李榘

臨海人字員父庚之孫

商炳卿

臨海人字晦仲許
飛卿逸卿之弟

謝鄴

臨海人字應之敷經之子

諸葛省已

黃巖人字希曾

李良

黃巖人字子明

十六年蔣重珍榜

顧周卿

仙居人字成子

張輝

天台人字子華

周棧

臨海人字少堅成子之弟

胡嘉

天台人字明仲

陳灼

臨海人字仲實

張槃

黃巖人字子木

沈應丑

臨海人字行父遷之孫

盧子尚

臨海人字仁仲子章之兄

石森

臨海人字立父

張士遜

臨海人字景祥

徐淦

臨海人字瑞叔

王居實

黃巖人字正卿居安之弟

賜出身

淳熙四年

謝廓然

臨海人字開之升俊之子兩預鄉書以父恩澤補官歷通判鄂州知萬真二州都官

左右曹郎官殿中侍御史右諫議大夫刑部尚書端明殿學士僉書樞密院進同知兼權

參知政事薨于位州人位執政自此始事見
國史子周卿歷屯田郎官復以中散大夫提
舉鴻禧觀長孫
復知德慶府

嘉泰四年

錢象祖

臨海人字伯同以祖端禮恩澤補官歷太
府寺主簿丞刑部郎官知處嚴信撫四州

江東運判侍右郎官樞密院檢詳左司郎中
權工部侍郎知臨安府吏部侍郎工部尚書
改兵部華文閣學士知建康府再除兵部尚
書進吏部同知樞密院參知政事俄以諫用
兵謫信州起知紹興府以資政殿學士兼侍
讀再除參知政事知樞密院進右丞相兼樞
密使俄進左丞相乞歸終少
保成國公贈少師事見國史

博學宏詞科

淳熙八年

周洎

第一人詳見乾道二年科名

上舍兩優釋褐

政和三年

陳公輔

臨海人字國佐釋褐第一歷校書郎右司諫繼以諍謫台州監稅復召除右司諫禮

部侍郎知處州終敷文閣待制自疏定菴居士有文集行于世州以高科位法從且稱謇

諤者自公輔始事見國史及余應求所為銘子夷行見紹興五年科名姪周行知南康軍

孫達善直徽猷閣利州路轉運判官揚善歷吏部郎中終知光州

上舍該恩釋褐

淳熙十三年慶壽

應柵

黃巖人字仲終岳州教授

紹熙五年登極

王性

臨海人字有道終湖廣總領所幹官

樓覺

臨海人字開之觀之兄終婺州教授

王滋

臨海人字次卿終嘉興府教授

嘉定十五年玉寶

鄭少明

黃巖人字子信

潘時舉

臨海人字子善大年
之孫終無為軍教授

赤城志卷三十三

欽定四庫全書

赤城志卷三十四

宋陳耆卿撰

人物門三

本朝

仕進

特科

熙寧九年

夏陞

開

人字

尉

終宜興縣尉

求仲弓

黃巖人字德夫終知樂清縣有文集藏于家

元豐五年

蔣師顏

臨海人字闕祖終承奉郎知奉化縣

八年

徐沔

闕終通直郎人字闕

元祐九年

朱君卿

闕終承務郎人字闕

崇寧二年

趙逢

闕

人字

闕

五年

陳師允

闕

人字

闕

大觀三年

夏奕

闕

人字

闕

終歸

善縣主簿

張希顏

臨海人字

闕

甫之兄終

闕

州司戶參軍
希房之弟希

政和五年

孟灝

仙居人字

闕

嚴州司戶參軍

終

周光

臨海人字天錫洎之祖終恭城縣丞

徐久中

臨海人字闕終欽州刑曹

紹興五年

林秉文

臨海人字民師終知永福縣

二十一年

劉知過

天台人字與幾與兄知變號二劉終監南嶽廟

陳晞愈

臨海人字次韓

二十四年

應權

仙居人字偉節
終知寶應縣

周逢

闕人字闕

二十七年

左璵

黃巖人字闕
之兄終監御前軍器所
璠之弟璿

朱壁

臨海人字彥益
終麗水縣尉

賈輅

闕人字闕

錢天綱

臨海人字仲紀
終永豐縣尉

三十年

陳綰

黃巖人字次權
終太和縣丞

張開

臨海人字彥遠
終泰州文學

隆興元年

應敦艮

仙居人字若虛
願之弟終衡陽縣主簿

乾道二年

胡汝舟

臨海人字巨濟
終威武軍僉判

五年

徐大中

臨海人字元禮
終廣西經畧司幹官

許邦弼

寧海人字右之
終吉水縣丞

章世安

闕人字闕

陳愿

仙居人字子愿終承議郎以三品服致仕事見朱文公所贈詩

八年

徐易

天台人字名世
終闕

陳文行

闕人字闕

趙餘慶

黃巖人字慶叟
終長溪縣丞

陳著

臨海人字孟明耆卿
之叔祖終從事郎

應懋商

臨海人字彥及
終古田縣丞

方斲

見仙居人字子木號韋溪先生終嘉州文學事
門人陳檢正庸張郎中布黃侍郎宜所為

詩挽

淳熙二年

孟維翰

仙居人字宗卿
終通直郎

陳問道

黃巖人字圖
南終宣義郎

洪九疇

關人字闕

項觀古

黃巖人字正己

葉元憲

仙居人字世則
終縉雲縣丞

方剛

仙居人字抑彊
終通直郎

五年

周鏐

黃巖人字惠夫

沈述

臨海人字克明遷之
兄終永嘉縣主簿

陳剛中

臨海人字闕

八年

余祈

臨海人字闕

應士廉

仙居人字簡仲權之子
振之兄終新城縣丞

楊朴

黃巖人字文
之終承奉郎

張鈇

黃巖人字叔平

十一年

徐邦卿

臨海人字仲勤大中
之子終上虞縣尉

徐大受

天台人字季可終監行在草料場號竹
溪先生有文集經解藏于家事見朱文公

所遺帖及丁
可所為行狀

李介石

仙居人字正
仲終承議郎

金師軻

仙居人字仲醇
終闕州文學

十四年

徐季

闕人字闕

劉東

臨海人字仲寬
終瑞安縣尉

左伯疇

黃巖人字錫範
終闕縣丞

吳汲

仙居人字進仲
終溫州司戶參軍

陳永年

黃巖人字南壽
終闕縣丞

金三復

仙居人字克孝
終監南嶽廟

十五年

陳炳

仙居人字文夫
終監南嶽廟

十六年登極

樓拱

臨海人字尚輝覺觀
之父終承務郎致仕

方富業

寧海人字子勤
終監南嶽廟

車九齡

黃巖人字闕

金三德

仙居人字克家
終闕縣主簿

紹熙元年

唐堯卿

天台人字咨仲第一等第
一人賜出身終湖州教授

左賚

黃巖人字錫善
終福州推官

許濬

寧海人字深道邦弼
之猶子終承務郎

左伯朋

黃巖人字錫龜
終贛州推官

石叕

臨海人字子鎮
終關縣主簿

陳煒

關人字闕

朱希說

臨海人字子傳伯臨
之猶子終忠州文學

陳驪

臨海人字季良駁
之兄終監南嶽廟

楊浹

闕

人字闕

鄭瀛

黃巖人字子仙
終監南嶽廟

徐天麒

黃巖人字長卿

四年

薛逢辰

黃巖人字伯遇
終侯官縣主簿

陳三省

仙居人字少曾
愿之猶子終承務郎

慶元二年

楊起宗

寧海人字仲起
終慶元府觀察推官

張萬

臨海人字子大

蔣震

臨海人字起卿
終監南嶽廟

葉皆

臨海人字孟我
有易解考工記辨疑行于世
終寧國縣主簿

賈謂

闕人字渭之
終永豐縣丞

沈必壽

黃巖人字天昌

賈之祥

天台人字闕

胡介

寧海人字安節
終宣教郎

陳育

臨海人字材翁
終懷安縣主簿

林有聞

關

人字關

作就

關

仙居人字關
終監南嶽廟

年

關

陳南

關

人字關

繆之光

臨海人字觀國終
江陵府觀察使

張田

臨海人字子豐萬
之兄終嵎縣尉

葛一之

寧海人字元甫
終德安縣丞

戈之奇

臨海人字穎父
終湖口縣丞

朱江

臨海人字叔泳終
安慶府觀察支使

謝彪

仙居人字文伯

顧牧

仙居人字謙之
終常山縣丞

林發藻

關

鹿開

臨海人字必先
終監南嶽廟

高恭

臨海人字子儀終
關

蔡賓

黃巖人字關

嘉泰二年

周中

臨海人字子建光之孫洎之弟楫之父終嘉興府酒稅

諸葛若

黃巖人字欽之終泉州市舶

謝九齡

臨海人字子壽終監南嶽廟

金栴

天台人字茂之終連州推官

葉日新

天台人字德明終閩縣尉

潘浹

闕人字閏

開禧元年

陳穎

仙居人字秀叔終溫州贍軍酒庫

關庚

臨海人字子明

商儀卿

臨海人字儀卿逸卿
炳卿之兄終永福縣主簿

馮仇

臨海人字先之
終監南嶽廟

朱伸之

臨海人字泰叔
終湘潭縣主簿

陳洪

仙居人字子良
終桂陽縣主簿

金逵

仙居人字士貴
終道州文學

林登

黃巖人字子驤
終侯官縣主簿

嘉定元年

潘休

臨海人字逢辰
終監南嶽廟

吳桴

臨海人字才叔
終廣濟縣主簿

林唯

臨海人字貫之
終仙遊縣主簿

陳方

黃巖人字漢英
終開州文學

伍章

臨海人字端叔

張叔元

臨海人字廷善

宋之謙

天台人字開

劉倓

寧海人字允叔
煥之兄終
黃陂縣主簿
閩風居士

開年

石繼喻

臨海人字子罕惇之子森之父第一等第一人賜出身

王煥

黃巖人字子章

張起宗

臨海人字振叔開之猶子士遜之父

朱唐卿

臨海人字伯大終青田縣主簿

七年

郭商佐

臨海人字文仲終無為縣尉

池從周

黃巖人字子文

林季永

臨海人字伯山

十年

湯廷俊

仙居人字

闕

周鎬

臨海人字子京

徐夢熊

黃巖人字叔祥

十三年

陳少明

黃巖人字明叔

黃元吉

臨海人字伯裳

吳洋

仙居人字闕

陳方之

臨海人字深叔奇之兄

陳暉

臨海人字吉老

姜應龍

仙居人字升之

十五年玉寶

盧雄飛

黃巖人字升之

朱渭老

臨海人字叔霖

沈蒙

黃岩人字正叔

商良弼

臨海人字賚予

商傳卿

臨海人字翰仲

朱巖

臨海人字叔瞻

黃申

臨海人字伯翰

柯峴

臨海人字子堅

姜琛

臨海人字廷璧

李簡

寧海人字敬可

林杲

寧海人字子晦

柯楫 天台人字濟川

十六年

吳嘉 臨海人字吉甫

樓申之 臨海人字吉甫

惠芝 臨海人字德瑞

商璉孫 臨海人字溫甫

宗室

紹興二十一年

彥信

居臨海字訢叟歷通判處州知德慶常德府西外宗正事終朝請大夫知贛州

二十七年

伯洙

居黃巖字彥文終知南外宗正事

伯洙

居黃巖字彥正伯洙之弟終知建昌軍

隆興元年

彥璦

居仙居字中玉終平江府觀察推官

乾道二年

彥敏

居仙居字茂功終建康府分司糧料院

汝翼

居臨海字元輔終
州司戶參軍

五年

彥禹

居黃巖字國器
終通判處州

八年

師淵

居黃巖字幾道歷通判溫州將作監
太常寺主簿司農太常丞終朝奉郎

師譽

居寧海字師道終
兩浙轉運司船場

淳熙二年

師芳

居寧海字會叔師譽之弟
終都大提點四川茶馬

五年

汝伋

居臨海字季思
終通判信州

十一年

善法

居臨海字養直

師端

居黃巖字知道歷大理寺主簿知徽州司
農寺丞度支郎准東轉運判官終知婺州

善質

居臨海字慶長善法之兄歷知昭
循二州今以朝散郎主管崇禧觀

十四年

師雍

居黃巖字然道伯洙之子歷通判嘉興府主
管官告院宗正寺主簿今以朝散大夫知通

州

崇鉅

居臨海字可大
終監文思院

汝俞

居臨海字仁父歷司農寺主簿
太府寺丞今以朝請郎知饒州

紹熙元年

師夏

居黃巖字志道師淵之弟歷大理司直知
南康軍撫州今以朝散郎知西外宗正事

師邦

居臨海縣字共父
終嘉興府判官

潭夫

居臨海字深父

伯澥

居黃巖字彥澤
終長州縣丞

汝簡

居臨海字敬行
終羅源縣令

希旦

居臨海字周卿
終知宿松縣

慶元二年

崇岳

居黃巖字山父

翰夫

居寧海字宗甫

五年

師開

居黃巖字信道

崇豆

居黃巖字正甫

師羽 居黃巖字由道終都大坑冶司幹官

嘉泰二年

珣夫 居臨海字溫玉彥信之子終嘉興府判官

開禧元年

師歲 居黃巖字詠道伯洙之子師雍之弟

崇應 居黃巖字吉父

希尹 居臨海字吉甫

允夫 居黃巖字文卿

嘉定元年

時望

居天台字民瞻
終海鹽縣尉

四年

希亮

居黃巖字自明

希廩

居黃巖字欽
夫師端之子

崇琰

居天台字廷玉

希悅

居黃巖字習
之師夏之子

七年

師耕 居黃巖字耕道

崇禹 居臨海字舜咨
汝俞之猶子

希恪 居黃巖字元恭

時著 居寧海字仲昭

崇中 居黃巖字和父

與齡 居臨海字德遠

十年

希瑀 居臨海字禹玉

崇正

居臨海字端可
汝俞之猶子

汝子

居臨海字孜
卿善簣之子

崇譽

居臨海字君美

崇禮

居臨海字君
用君美之弟

十三年

時杲

居臨海字元
昕彥信之孫

崇詒

居臨海字子正

十六年

時恭

居臨海字國梁潭夫之子

崇學

居臨海字處文崇譽崇禮之弟

潛夫

居黃巖字景壽彥萬之子允夫之弟

武科

紹興二十四年鄭石榜

設科始此

鮑惟幾

仙居人字與權終武經郎興元府都統司計議官

三十年樊仁遠榜

鮑惟時

仙居人字少明惟幾之弟終秉義郎泉州永春酒稅

隆興元年孫顯祖榜

童熙 仙居人

乾道二年蔡必勝榜

高選 仙居人字才舉歷知萬安軍柳州主管崇道觀終武經大夫

王卿月 詳見乾道五年科名

陳必定 仙居人

五年趙萬榜

蔣碩 仙居人字仲美

金駒

仙居人字興可終從義郎如皋縣令

八年林宗臣榜

王公弼

臨海人字輔之終武翼郎知安豐軍

淳熙二年蔣介榜

蔡鎬

黃巖人字正之歷武學諭終博士事見水心葉侍郎所為銘

吳沆

仙居人字仲亢歷知昭靖二州今以武經大夫主管崇道觀

王公佐

臨海人字才之公弼之弟終象山縣尉

五年陳說榜

陳大節

仙居人字伯固
終監永春縣稅

楊斌

臨海人字兼子
武經郎知賀州終

王智夫

仙居人字愚可
修武郎知鬱林州終

蔣師堅

仙居人字仲又
武郎潼川路都監終訓

陳箴

闕人字闕

八年江伯虎榜

鄭澥

仙居人字子山
武郎主管仙都觀終修

十一年林鏐榜

葉嵩

臨海人字伯高省試第一終武翼郎武學博士

十四年黃裱然榜

鄭漁

仙居人字子淵泚之弟終清流縣尉

張世英

臨海人字文伯終殿前司幹官

紹熙元年厲仲祥榜

金性

仙居人字子善終浙東兵馬都監

林高

仙居人字子中終修武郎湖南兵馬都監

鹿嘉孫

臨海人字亨卿

慶元五年陳良彪榜

王孫震

仙居人字起卿智夫之姪

嘉泰二年

葉滢

臨海人字仲高嵩之弟優等第一人歷知柳澧二州終武經郎知沅州

柳斌

仙居人字顯父

開禧元年鄭公侃榜

鄭鎔

仙居人字敬夫終華亭縣松浦巡檢

王孫貴

仙居人字良卿終知邵陽縣

胡謙

仙居人字聰夫特奏
第一終如皋縣尉

嘉定元年周師銳榜

鄒顏卿

臨海人字希甫

丁希呂

臨海人字渭叟

王慆

仙居人字子賢

四年林汝浹榜

朱仲弼

臨海人字正之淮
之子終知澧陽縣

鹿伯虎

臨海人字文卿
嘉孫之闕

七年劉必萬榜

葉蓀

仙居人字仲友
終江州將領

陳清卿

仙居人字子直

楊渭起

詳見進士科

吳躍

仙居人字雲叔

十年朱嗣宗榜

鄭堅

仙居人字子筠

李周

仙居人字盈之

蔣叔虎 仙居人字周卿

十三年

陳正大 仙居人字子中清卿之弟優等第一人

陳履泰 天台人字泰叔

郭用中 仙居人字端甫

范祖筠 仙居人字節父終石門縣尉

黃憲 臨海人字成甫

十六年杜幼節榜

陳寵

仙居人字良卿

陳廷蘭

仙居人字伯服

游立節

仙居人字季堅

黃光弼

黃巖人字可信

鞏俊

臨海人字仲申

高申甫

仙居人字宣卿

遺逸

郭琮

黃巖人少喪父事母極孝絕葷醢三十年以祈母壽母百有四歲鄉黨異之至道二年士

民陳贊等四十人狀其事于轉運使請以聞
詔旌表門閭復其徭役明年母無疾卒琮執
喪甚哀自是
邑人多化之

蔣至

臨海人字造之有素行家居講授甚盛母張
氏年八十抄經典助之大中祥符六年詔舉
德行遺逸章守得象及部使者以名聞詔索
所著經解以進授將仕郎本州助教賜其母
帛咸平初曾守會命使主學慶歷大水城潰
子孫掖之往避至曰死生命也吾何逃焉正
冠危坐而逝後鄉人祠于學孫師顏

師閔四世孫鶚見乾道五年科名

呂逢時

仙居人字原道少受經于令陳公襄邑人
知學自逢時始入太學與鄭獬友駙馬都

尉錢景臻師之欲奏以官辭後隱于
白岩山羅提刑適舉以孝廉亦不就

林放

仙居人字達本元祐中將上禮部以親死廬墓側後築草堂于東山隱焉大觀中求八行

縣欲以放應詔放不憚去之三十里左譽銘其墓

左緯

黃巖人字經臣以詩鳴號委羽居士與許少伊為忘年友劉元禮周恭叔以兄事之其卒

陳侍郎公輔以詩哭之有有德傳鄉里無金遺子孫之句子璫璵璣皆知名

吳福

仙居人性純實括有巨賈留千金其家久之不至福為賀遷得贏俟賈至悉以歸之賈曰

向者吾留千金耳贏則君自致吾敢覲乎互相遜決之縣縣上之郡使中分其息福仍不受賈以其半捐之僧廬謂福曰君行誼如許不應久無子吾近得顏氏女願奉君為似續計焉其後生子奉積至帑兄弟登上第歷顯官云

余元卿

黃巖人父死元卿始生母曰我不見夫何忍見子自剔其目誓不他適宣和寇亂元

卿負母而逃力弱不勝仰天誓曰天若助我全母願焚身以報冠定欲償前誓母力止之燃一指以謝天貺其後閭里欲上其事則曰吾非干名者也旋居母喪哀毀不離墓側縣以上之郡立碣以記其事

江

失其字仲明宣和寇亂載老母奔山水間猝遇寇于東城之岡逼使就降仲明義不辱奮

起誓冠卒死之呂丞相頤浩誄以文

蔣煜

仙居人有文學宣和寇亂與煜遇欲妻以女煜拒之脅以拜亦不從冠曰吾戮汝矣煜伸

頸就刃誓聲不絕煜性滑稽其臨事有立如此

黃襲明

臨海人字原善宣和寇亂視郡城多圯其北倚山無閨堞首白郡以私財為倡遂增

築焉訖事寇驟至合圍數日不得入事聞詔免鄉舉有滕侯膺所與書尺美其功甚詳

王衡

臨海人字平仲大觀中舉八行州歲貢一人衡名居次其上當貢者有微累居衡次者趨

衡指扶之觀遞升一年衡不可竟貢當貢者時書攷法甚嚴功過即上達及貢者姓名至提學司以行不應法責郡郡欲改貢衡衡又不遣職官往諭始聽後死於方臘之亂賊首聞之自戮其黨數人曰何敢殺王佛子

趙占龜

黃巖人字十朋志尚超卓與石尚書公弼李參政光為內外兄弟二公貴無隻字相

通其介如此家有軒面植雙檜呼為檜隱士而自號木公居士宣和寇亂動以火攻獨於

是軒相戒
毋敢犯

徐廷筠

黃巖人字季節父中行嘗舉八行中行死
免喪不忍娶者十年秦丞相檜當國試題

問中興歌頌廷筠曰今日豈歌頌時邪條其
未足為中興者有五且曰吾不忍欺君也郡
縣屈主學後進師尊之後以累舉恩合得嶽
祠廷筠曰吾嘗革封事言嶽廟冗祿無用心
既非之可躬
蹈邪卒不就

林鷟

黃巖人字叔和與兄鷟及趙師淵杜燿兄弟
皆從朱文公遊以學行知名早冠鄉書當用

累舉恩不就邑人尊之稱為草廬
先生詳見水心葉侍郎適所為銘

僑寓

不生長於此而居焉者為僑寓其子
若孫生長於此而有科名者入仕進

洪擬

丹陽人字成季紹聖元年中第官至吏部尚書靖康中避地寧海謚文憲有文集十六卷

事見

國史

呂頤浩

濟南人字元直元祐九年中第紹興元年拜左僕射終少傅鎮南定江軍節度使成

國公贈太師謚忠穆建炎四年寓臨海淳熙十五年配饗高宗廟庭事見國史子楮兩浙

轉運副使孫昭

遠知武岡軍

綦崇禮

北海人字叔厚政和八年中第官至寶文閣學士建炎中寓臨海事見國史曾姪孫

奎歷太府少卿湖廣總領今直敷文閣

韓昭

真定人字用晦丞相續之曾孫官至直顯謨閣自號大同居士紹興初避地仙居

成大亨

河間人字正仲元符三年中第官至左朝散大夫直祕閣紹興初寓天台

范宗尹

襄陽人字覺民宣和三年中第建炎四年拜右僕射終觀文殿學士紹興初寓臨海

事見國史弟宗伋知衡州子榛知常州孫節知南劍州籍知江陰軍

錢忱

錢塘人字伯誠少師駙馬都尉景臻之子官至少師瀘川軍節度使榮國公紹興初奉秦

魯國賢穆明懿大長公主主寓臨海事見國史

錢端禮

錢塘人字處和少師忱之子隆興二年賜同進士出身參知政事終觀文殿學士謚

忠肅紹興初自湖廣侍父徙居臨海事見國史孫象祖見嘉泰四年科名弟端仁直祕閣知郢州姪竒直祕閣知饒州從弟徽之朝議大夫知崇慶府紹興初父綏為守因寓天台

從姪遼幹辦行
在諸司糧料院

謝克家

上蔡人字任伯紹聖四年中第建炎四年
參知政事終資政殿學士紹興初寓臨海

事見國史弟克明官至主管刑工部架閣文
字贈朝奉大夫姪傑浙西安撫司參議官

謝伋

字景思參知政事克家之子官至太常少卿
知處州紹興初侍父寓黃巖自號藥寮居士

有文集葉侍郎適為之序
孫直見淳熙十一年科名

郭仲荀

洛陽人字傳師官至太尉慶遠軍節度使
殿前都指揮使紹興中寓臨海事見國史

李擢

奉符人字德升元符三年中第官至禮部尚
書徽猷閣直學士紹興初寓臨海事見國史

子益謙吏部侍郎
益能宗正丞

盧知原

山東人字行之官至徽猷閣待制紹興中寓臨海事見國史曾孫子章見嘉泰二年

科名

張師正

大梁人字子正宣和中平寇難于此官至宜州觀察使河東都統制紹興中寓臨海

事見國史

賀允中

上蔡人字子忱政和八年中第紹興二十九年參知政事終資政殿大學士紹興初

寓臨海事

見國史

蔡向

東平人字瞻明樞密挺之孫紹興初提舉本路常平因寓臨海自號淨空居士有澹水集

藏于家

曹勛

穎昌人字功顯宣和五年賜同進士出身官至昭信軍節度使開府儀同三司贈太師謚

忠靖紹興中寓天台事見國史子紹興中寓臨海事見國史子處

姜詵

長山人字廷言官至寶文閣直學士右通議大夫贈少師紹興中寓臨海事見國史子處

度知惠州孫注今大理丞

王之望

襄陽人字瞻叔紹興八年中第隆興二年參知政事終資政殿大學士謚敏肅紹興

初寓臨海事見國史子鏞知房州銖知荆門軍鈞歷大府卿四川總領今奉祠孫沔歷金

部郎官終知婺州

桑莊

高郵人字公肅官至知柳州紹興初寓天台曾文清公幾志其墓有茹芝廣覽三百卷藏

于家子世昌自號莫庵有文集三十卷事見
尤尚書表楊閣學萬里陸待制游樓參政鑰

葉侍郎
適序跋

虞似良

餘杭人字仲房淳熙中為兵部郎官終成
都府路轉運判官建炎中以父沒分教于

此因寓黃巖自
號橫溪真逸

林同

長樂人字季野紹興二十四年中第官至朝
請大夫知惠州先是其父仰為州推官因寓

海臨

關

憲

奉符人字景思中特科監西嶽廟乾道中隨
妻祖賀參政允中寓臨海號雪巢先生有詩

集行于世事見尤尚書表陳參政
騷樓參政鑰楊閣學萬里序記

李龜朋

長安人字才翁與元龜年齊名中特科監南嶽廟紹興末隨錢少師忱寓臨海

應恕

括蒼人字仁仲淳熙初寓黃巖朱文公熹以隱居老友稱之門人趙師淵等號艮齋先生

于恕

諸城人字忠甫張侍郎九成之甥中特科終昌國縣主簿紹興中以父定遠為州判官因

寓黃巖

節婦

名節士大夫之所難也而婦人女子輒易之蓋善出於性非必學問之所及也今紀其顯者一人餘則可以槩推矣

陳氏

臨海人貢士朱伯履妻年少夫亡有欲奪其志者陳氏拊膺慟絕既甦歎曰吾寧速死忍

聞此言引刀欲自剄姑亟奪之乃免事父母

舅姑至孝舅得風眩疾侍湯藥不懈者八年

姑老齒豁手調甘旨以養壽百有一歲庭有桃實萱穎之祥郡以聞詔特封安人仍旌表

閭門

赤城志卷三十四

欽定四庫全書

赤城志卷三十五

宋 陳耆卿 撰

人物門四

孟子進逃楊逃墨而韓愈闢入佛入老非以其擇術不可不謹哉道遠俗龐固有以豪偉聰明之士而遁於異教者如歐陽子所謂曼卿隱於酒秘演隱於浮屠夫隱於浮屠未若隱於儒之為正也歐陽子不之禁又俎豆之則與本論自矛戟矣台古仙佛國也其多釋與道固

宜余細攷之疑亦有冲深虛遠之士隱於其中如歐陽子所謂者乃若趺化飛昇離凡入獨雖神變莫指非所以訓也姑存之而已

釋

東晉

曇猷

猷煌人興寧中至天台舊傳赤城有五百大神居之言輒降禍猷至遇一姬問塗忽有負而投諸淵者猷飛錫救之水立涸今乾溪是也方誦經有猛獸巨蟒交見猷不動後有神詣猷遜謝願他徙於是鼓角凌虛而去

曇蘭

青州人支姓日誦經三十萬言太元中憇赤城一日有神長數丈屈膝自言願推室相奉

世傳韋鄉山神云

懷玉

臨海人高姓今樓石村其所居也號高玉禪師居方山運水遠谿忽見一老父曰庵前石下有泉也玉舉錫迸湧盈尺乃入天柱山即今湧泉延恩寺

齊

普遼

遼東人居白岩號普耀禪師事見妙智寺及黃展白郎岩記

梁

定光

青州人許姓字靜照大同初隱佛隴三十年人罕知者初智顗在江陵夢光引至山頂曰

汝當住此汝當終此及顓過佛隴光曰憶昔
往時招手否顓即悟光曰金地吾已居之銀
峯爾宜往今修禪寺是也陳大建十三
年坐滅凡三瘞體骨踊出後置殿乃已

陳

智顓

潁川人陳姓字德安號智者大師十歲擔佛
前願荷正法游佛隴感定光之夢即建寺後

示滅石城其徒輿葬佛隴今真覺院有塔存
焉嘗著止觀十卷緇流宗為天台教天聖中
詔求其書賜名天台總錄其徒如灌頂普明
及智晞智琮輩皆有名詳見顏真卿梁肅碑
章安人吳姓字法雲號章安禪師聆智顓所
說法了無遺忘嘗入都講演義疏晉王遣使
送之還山為造國清寺今為天台第五祖師
先是同門智晞絕而復蘇其徒問曰師生何

灌頂

處曰吾生梵率天上見先師智者坐寶座旁
皆有人惟有一座尚虛問天人云六年後灌
頂當升此說法
及化果如其年

普明

會稽人朱姓初止國清半岩難於得水一日
以杖叩石泉湧出今錫杖泉是也後示滅反
屈三
指云

隋

智越

臨海人郭姓亦受業智顗嘗誦法華經瓶水
自盈居露山精舍大業十三年終國清寺見
高僧
傳中

唐

豐干寒山拾得

疏國清三隱豐干者貌尤寢被髮布裘或時唱歌人問之第云隨我

騎虎游松門三人每邂逅則長吟大笑人莫測也有詩偈三百題松石間如云日日東出日日西西沒不知千古萬古人送向青山成底物人競傳之貞觀中閭丘守嘗問豐干天台有何賢聖答云見之不識識之不見欲見而識不得取相國清有寒山拾得狀類風狂歌笑不常蓋普賢文殊後身也公至宜謁之至則二人方據火談笑閭丘遽作禮二人云豐干饒舌耶遂握手出門而去其後寒山隱寒石山拾得隱祥雲峯遺跡可攷獨豐干不知所終

為山禪師

初作沙彌自福唐至國清求戒時寒山拾得掃松迎迓臨行寒山送之云千山

萬水遇潭即止後於洪州
泐潭山得道見傳燈錄

湛然

常州人咸姓號荆溪禪師天寶大厯間優詔
不起脫歸台山注天台教今赤城釋籤巖是

也一日說法竟隱几而
化今號天台教主云

遺則

京兆人長孫姓六祖牛頭弟子嘗謂天地無
物也物我無物也雖無物也未嘗無物也

如此則聖人如影百姓如夢孰能死生哉至
人以此是能獨照能為萬物主吾知之矣於是
至佛窟四十年而
終世號佛窟禪師

普岸

漢東人蔡姓百丈弟子太和初止水磴西峯
翌日有虎引至平田今萬年寺未幾寺成

關璋

夏侯姓相國攷之猶子遊天台感異人語於
靜安鄉初福田院今慧峯也後守駱延訓命

居靈鷲人死於饑璋聚骸以葬錢武肅王嘗
夢一僧形觀甚偉寤求之不獲後圖形至此

處乃璋也諭令歸
國號至德大師

闕
受業白雲院嗣法於六通紹禪師人
稱欣四面後入天台華頂莫知所終

五代

勝光和尚

住兜率院事
見傳燈錄

大小靜

不知何許人同憇國清寺深
悟宗旨其問答為人所傳

聖者頭陀

初憇國清寺顯異甚衆其
雷馬山伐木事見頭陀庵

全宰

錢塘人沈姓嘗得石霜印可晚
遁暗岩二十年今跌坐處尚存

師簡

初憇天台戲龍院時大旱有龍卧巖間簡以杖叩之隨即霽需簡善書求者多以鵝酒易

之德韶常語人曰此簡羅漢也後示滅錢塘

德韶

龍泉人字惠舟清泰二年入台嶺憇智顗道場後於通元峯卓庵嘗有頌云通玄峯頂不

是人間心外無法滿目青山時法眼印可之凡建道場一十有二處國朝開寶中示滅蓮華峯世號韶國師

本朝

道榮

不知何許人淳化中居長隴院習禪定靈異頗多時以羅漢目之既入滅人有見於壽昌五百應真位者今肉身尚存

自詢

號國一道者傳法於了定大寂嘗燃一臂供佛雅熙初勅為建受業寺詢燃身以報火滅

舌根不壞詔改寺為

壽昌今萬年是也

遵式

寧海人葉姓字知白少住寶雲洞天台宗旨後又歸東掖其靈異非一嘗以錫卓石成泉後又講法於杭之昭慶寺學者以千計賜號慈雲一日自言將死問其所歸以淨土寂光

為對天聖中入滅

長吉

住淨名庵號梵才大師事見嘉祐院

居昱

錢塘人郭姓七歲扣疑於林逋書如風諷州角禮僧願拾誦法華經七日而周世號昱法華通判夏竦表為沙彌卒後三日啟棺貌如生昱善為詩有松聲和雨聽山色帶雲看之

句

知白

居永慶院即侍郎簡記行業云天台僧獨知白為可紀白嘗謂釋書不少觀者若臨海求

濟茫乎不知其涯必有維楫之助然後旁行不難

清徹

仙居人戒行高潔天禧中嘗截一掌為衆祈雨立應庵前猛虎馴伏泊死鄉人塑尸事之

處謙

永嘉人潘姓字終倩住白蓮院號神悟大師為王荆公安石所知州旱請禱雨于潭謙語

龍曰昔智者誨汝旱則施雨今偶忘之耶言訖雨大注

如吉

臨海人僧業精修元豐間居妙智院事見陸農師記

智賢

寧海人慶歷間遊錢塘傳智顗教又事明靜師儒佛皆得趣後歸崇教寺卒

禹昭

寧海人傳智顗教又與智賢論五經得其奧旨羅提刑適嘗咨請焉

了然

臨海人薛姓號智湧法師初母胡無子禱於石觀音像夢有一老僧手持蓮華語曰食是

當娠然非汝子也生而超異住白蓮寺寺後有龍湫路嶢陲師呪之使遷一夕大風雨遂徙寬地寧海建法會請主法席寐中見有持牒來者曰兜率天請說法又夢一龍化為神告曰師七月當歸矣既寤併日演法且誠且別坐而化

本如

四明人林姓住白蓮院號神照大師卒之夕所居梁木盡壞體聞異香人見雲端有一衲

子焉比葬發函如化爪髮俱長矣塔近地一日生蓮花趙清獻公拈作行業記

良弼

永嘉人柯姓學天台教訪僧本如於白蓮得其要旨從之者甚衆住香積壽安又住白蓮

歸壽安而卒

元照

錢塘人唐姓字湛如號安忍子深明教律四方宗之少遊天台度石橋合介誦經想方廣而度者三復遠宴坐峯石誦經失足幾墮如人扶之而免與蔣之奇楊傑諸人為方外交

劉燕作行業記

處咸

臨海人王姓字應之住崇善寺寺敝謀遷之令李廷芝夢神告曰五祖臺下龍頭九九和尚宜見之公未諭閩人陳白曰五祖天台教之第五祖師也昔居此山號五祖臺又指師九月九日生辰龍也其此僧之謂乎李悟趣為興寺後住白蓮院歸寂前二日與衆別楊傑為作誦云

妙機

仙居人陳姓母初娠夢有神僧告曰當生賢子至生有奇相落髮事雙林昌師後歸林下

通判章憑因行縣謁之問如何是妙曰點鐵成金如何是機曰百發百中章尊事之又有行機者號簡堂操行尤峻世號大機小機云

照伯

不知何許人居崇教寺塔下夏坐則向日冬卧則擁雪或引紙縱筆濃淡橫斜初若狂言

終無不驗宣和己亥正旦忽持巨軸與一往還士人緘滕甚密已乃行哭于市其中所言自方冠猖獗次及遼亡迄于中興日時不易一日忽辭寺僧去或問何往曰不天台不五臺不東去不西來沿道誦詠數日跌坐塔下視之死矣衆欲舁入寺忽躍起狂走從寺後登山緣高如猿猴衆隨即之望木杪騰踊者數十不知所終

法濟

臨海人師黃巖浩先罕卧食冬夏不爐扇建
炎冠亂與其徒各燼一指以保城邑每誦法
華至藥王品輒太息曰身如垂疣附贅虛生
浪死何益遂采薪自焚是夕星月皓然忽天
雨白花大如朔雪清
旦拾遺骨得舍利焉

澤龕

寧海人葉姓建梁王寺塔塔成或請記歲月
龕曰吾自有之乃取一鐸朱書二十字使垂
之絕頂曰此塔記也乾道中通守趙師夔侍
母陳經行見塔壞欲新之夜感於夢且問始
末使取鐸書以觀則曰二十世十八姓之僧
造塔遇走小月東邑之氏修治趙母子駭歎
施緡錢百萬且繪
龕像於塔下焉

道

周

王喬

字子晉周靈王太子好吹簫作鳳鳴浮丘公接以上嵩高三十餘年後人求之不得偶見

亘良曰告我家人七月七日待我於緱氏山至時果見喬乘白鶴而去後為右弼真人治

桐柏山詳見喬祠

前漢

茅盈

咸陽人字叔申於龍顧山駕鶴上昇按茅山記云盈漢景帝時人其高祖濛字初成秦時

至華山飛升先是有童謠曰神仙得者茅初成駕龍上昇入太清時下玄洲戲赤城繼世而往在我盈帝若學之臘嘉平盈年十八委家學道詣南嶽上真西城王君受道道成命

為太玄真人領東嶽上真鄉司命真君至漢
哀帝元壽元年乘雲駕龍至太霍赤城玉洞
之府見道史屬辭叔申
馭鶴注及臨海圖經

後漢

徐來勒

字元和甫按本際經云昔在赤明劫一百
八身為道士濟生度死其後白晝乘火上

昇至東漢時為太極
法師餘見括蒼洞

劉晨阮肇

永平中入天台山採藥失道遇二
女焉詳見劉阮洞幽明錄作劉晨

王遠

東海人字方平舉孝廉官至中散大夫明天
文圖識逆知盛衰吉凶如指諸掌桓帝召不
起後強起終不言但題數百字於宮扇上其
語皆驗留太尉陳耽家三十年忽自言當死

死後飲三日失其所在後至括
蒼山與蔡經會焉詳見隱真宮

徐公

石郡人
鼓飛出駕之上昇見道史屬辭按郡國志

云漢末有徐公知於此山
成道控鶴而去意其人也

陳仲林

蓋竹山人與許道居尹林子趙叔道三人居

等又
居之

吳

左慈

廬江人字元放李仲甫弟子葛元之師也吳
赤鳥二年嘗與元遊括蒼洞鍊九華丹服之

得道

葛元

丹陽人字孝先洪之從祖初在赤城後入括蒼蓋竹等處遇三真人授以秘訣符籙戲幻

之術無不通曉吳赤鳥七年尸解而去為太極左仙公政和中封冲應真人見高道傳

蔡經

括蒼山人遇仙人王遠已而羽化詳見隱真宮

晉

許邁

一名元字遠遊隱盖竹山塵外記云蓋竹山有洞仙人許遠遊居之又見晉書真誥

袁根栢碩

剡縣人因驅羊度赤城山忽有石門豁然見二女方笄遂為室家後謝歸女以

香囊遺之根後羽化碩年九十餘

平仲節

河中人以劉石亂中國渡江入括蒼山受業宋君存心鏡之道積四十五年後乘雲

駕龍
上昇

梁

徐則

東海剡人居天台觀號隱真中峯武帝詔講
道要徐陵欽其風致為作頌焉晉王廣鎮楊
州召問道法則遜免一夕死柩自江都還台
道中多見則徒行云得放還故棲矣令弟子
掃室曰客至宜延於此語訖跨石梁
而去須臾柩至方知其異見隋書

陶弘景

丹陽秣陵人字通明號華陽隱居嘗居寧
海閭風里與張少霞煉丹今鐵場側有東

山猶存庵址嘗夢神告曰山在後海在前金
笈玉筍居兩邊是中可以藏汝丹遂瘞丹焉
其後漁人每值月黑望見火光屬林紹興初
邑人胡俊發地得甕合大小三重內貯石紫

赤色如鐵有陸渢者取而藏之居半載有一道流至號茅山人與語大悅留之宿以丹示之道流歎異夜深各就寢比曉人與物俱亡矣見南史隱逸傳及高道傳

唐

王遠知

郡道士善易作易摠十五卷唐上元中一日雷雨暝霧中有老人叱曰所著書何在

上帝俾遣六丁至取且責曰此上方禁文汝何為藏之遠知曰青丘元老傳授老人曰帝謂汝仙品已及斯令展二紀光宅中死長壽中有人過海見之見龍城錄異人錄

司馬承禎

洛陽人字子微隱玉霄峯號白雲子博學能文尤長古篆則天朝累召不起睿

宗召問理身之道對曰國猶身也老子言游心於淡合氣於漢順物自然而無容私焉天

下治矣又問陰陽術數則曰損之又損以至
無為帝欲寵以官固辭歸著坐忘論年百餘
歲忽謂弟子曰吾今為青童君所召乃蟬蛻
而去弟子歛空衣葬之詔謚貞一先生國朝

政和中封
丹元真人

謝自然

華陽人幼而入道其師以仙經示之一覽
如舊記慕南嶽魏夫人之操一日往浮海

尋蓬萊遇道士謂曰蓬萊隔弱水二十萬里
天台山司馬子微身居赤城名在丹臺此良

師也遂回詣子微受法後
白日仙去事見續仙傳

甘泉先生

不知何許人隱華頂峯頻詔不起開元
十八年特於王屋山置闕居之

吳筠

華陰人字貞節天寶初避天台觀滄海與名
士相娛樂文辭傳京師玄宗召見大同殿獻

元綱論三篇大歷中卒剡中號宗
元先生見唐書隱逸傳及高道傳

賀知章

字季真會稽永興人按許鼎撰通和先生
祖貫碑云貫學黃老初賀監得攝生之

妙負笈賣藥數百年不死後於天台山升仙
元和中貫嘗遇之授斷穀丹經謂曰子寬中
而柔外可語道也道以退節為首退節則寡
欲寡欲則神逸神逸則無為無不為反此而
求道如却走以追奔爾
見唐隱逸傳高道傳

田虛應

齊人字良逸得大洞法每水旱請禱但敝
衣岸幘而坐應不旋踵元和中入天台屢

起
詔不

應夷節

汝南人字適中母夢流星入牖而生後遊
天台與葉藏質劉處靜為林泉友會昌中

於桐柏觀建壇以居凡五十年謂其徒曰王
京金闕泉曲鄴都惟心所造爾汝等勉之年
八十五卒及窆惟
空棺羅隱為之贊

馬惟良

相人字雲翼修道衛嶽元和中入天台廡
使元稹聞其風常造請方外事後以三洞

法行於江表
屢詔不起

徐靈府

錢塘人號默希子居天台雲蓋峯日為方
瀛以修鍊自樂嘗為詩云學道全真在此

生迷津待死更求生今生不了無生理縱得
生知何處生會昌初頻詔不起但獻言志云
野性歌三樂皇恩出九重來傳紫宸命遣下
白雲峯多媿書傳鶴深慙紙畫龍將何佐明
主甘老
在岩松

閻丘方遠

舒州人字大方初學出世術受籙於玉霄道士葉藏質每曰葛稚川陶貞白吾

之師友也詮太平經為三十篇昭宗屢詔不起天復六年沐浴端坐而逝舉棺但空衣後

人於仙都及廬山見之見續仙傳

厲歸貞

天台人嗜酒嘗單衣精水墨漢乾祐三年於中條山飛昇語人曰吾台州唐興縣人

也

葉藏質

括蒼人字涵象咸通初創道齋玉霄峯號石門山居精於符籙懿宗從其奏以所居

為玉

霄宮

左元澤

永嘉人居玉霄峯三年絕粒不語常制真一頌云大道杳冥不可致詰含太虛為廣

舍總萬宇為一貞以道守真真亦非一信之以自然任之以萬物胎根既斷三界迥出九祖得度三官息筆實賴無功之功其功妙而難匹

陳寡言

越人字太初隱玉霄號曰華琳以詩詠自娛其山居詩云醉卧茅簷不閉闕覺來開

眼見青山松花落處宿緣在麋鹿羣從林際還臨化以詩別其徒

王可交

蘇州人一日棹舟入松江中流見畫舫有道士七人皆玉冠霞帔一人呼可交與以

二粟命一黃衣送上岸且令合眼泊開眼已失黃衣但見峯巒中松柏參天問之乃天台山瀑布寺前也自是不食衆白於臺與州後挈妻子入四明山不復出見續仙傳

杜光庭

字聖賓天台人或曰括蒼人號東瀛子為時巨儒懿宗朝與鄭雲叟賦萬言不中遂

入道初從僖宗入蜀有文集百卷終於上都太清宮內供奉

王仙姑
黃巖人小名子松家岱石村行至石櫃山遇仙成道咸通七年飛昇今其鄉有王仙

姑村

黃道士
居黃巖山山旁有石驛即仙人王方平所居也

五代

朱霄外
郡人居白雲菴善河圖秘緯持其法嚴甚錢忠懿王給驛以進錫賚一不受館於都

廣順初謝歸乃菴菴為觀居之今栖霞宮是也按崇道觀歲殿有題梁云吳越兩街道統一天台道門威儀樓真明德大師通玄先生正一天師特進檢校太傅守太保上柱國吳郡

開國公食邑一千
五百戶朱霄外建

本朝

張無夢

鳳翔人字靈隱號鴻蒙子初入華山與种放劉海蟾為方外友師陳搏得微旨廬於

瓊臺行亦松導引法間以修鍊事形歌詠題曰還元篇真宗召問長久之策不對令講易即說謙卦曰方大有之時宜守以謙上喜除著作佐郎不受復召講還元篇答曰國猶身也心無為則氣和氣和則萬寶結有為則氣亂氣亂則英華散此還元大旨也賜處士先生號亦不受上以長歌贈行自丞相以下咸賦詩後終於金陵

黃永乾

居天慶觀一日解化後半月有州駛足回自金陵於道中解後叙問款密且俾寄音

觀中道舊暨歸則知以其
日尸解矣見道史屬辭

張日損

天慶觀道士事
見三官堂記

屈元應

臨海道士范文正仲淹表友人王居墓言
屈深於易且善琴蓋祥符初嘗與范過從

也者

王溫

樂安人善造夾紵像景德四年上昇
因改縣曰仙居今社壇即其址也

張用誠

郡人字平叔嘗入成都遇真人得金丹術
歸以所得粹成祕訣八十一首號悟真篇

已而仙去至淳熙中其家蚤起忽有一道流
踞主席而坐叩其家事甚歷歷會其孫他出
乃去人以爲
用誠之歸云

彭文昌

彭溪人有道行行天心法政和中令晁昌之女感於崇以告文昌乃市之淫祠為妖

也焚其廟間鬼神

哭聲其恠遂絕

蛇姑

不知何許人居臨海後嶺之顛樵者見之以告居人所生訪焉見庵畔有一蛇護守遇

不善人則逐之故號蛇姑邑人張得一往謁授之訣曰心湛湛而無動氣綿綿而徘徊精

張覆然解悟遂遊方不歸矣

赤城志卷三十五